

রত্নবতী

প্রথম পরিচ্ছেদ

গুজরাট নগরের রাজপুত্রের সহিত সেই রাজ্যের মন্ত্রীপুত্রের অভেদ প্রণয় ছিল। রাজপুত্রের নাম স্বকুমার এবং মন্ত্রীপুত্রের নাম স্বমন্ত। স্বমন্ত বিদ্যাবুদ্ধিতে রাজতনয় অপেক্ষা শ্রেষ্ঠ ছিলেন। তাঁহারা বাল্যকালাবধি যৌবনকাল পর্যন্ত একত্র ভোজন, একত্র শয়ন এবং একসঙ্গে ক্রীড়াদি করাতে প্রণয়ের বিশেষ আধিক্য জন্মিয়াছিল। কিন্তু কালের কি আশ্চর্য্য গতি। মনুষ্যের সৌভাগ্য-শশী কখনই সমভাব থাকে না। সময়ে পূর্ণ ও ক্ষয়প্রাপ্ত হয়। রাজকুমার স্বকুমার এবং মন্ত্রিকুমার স্বমন্তের মিত্রতা তাহারই প্রমাণ দিয়াছিল।

একদা প্রভাকর দৈনিক কার্য্য সমাধানান্তর লোহিত-বসনাবৃত হইয়া পশ্চিমাচলে গমনোত্তোগ করিতেছেন, এমন সময় রাজনন্দন ও মন্ত্রিতনয় অত্যাঁকষ্ট বেষভূষায় ভূষিত হইয়া প্রদোষকালে বিস্কন্ধ বায়ুসেবন করিতে বহির্গত হইলেন। ইতস্ততঃ নগরের সূচাক শোভা সন্দর্শন করিতে করিতে রাজনন্দন স্বকুমার মুহুমধুর সন্মোদনে প্রাণাধিক মিত্র মন্ত্রীপুত্রকে বলিলেন, সখে! বল দেখি, ধন শ্রেষ্ঠ কি বিদ্যা শ্রেষ্ঠ? মন্ত্রীপুত্র হাস্ত করিয়া বলিলেন, বন্ধো! ইহা আর জিজ্ঞাস্ত কি? ধন অপেক্ষা বিদ্যা সহস্র অংশে শ্রেষ্ঠ। এই বাক্য শ্রবণ করিয়া রাজনন্দন বিরক্ত হইয়া কিঞ্চিৎ উচ্চৈঃস্বরে বলিলেন, না তাহা কখনই হইতে পারে না। আমরা সচরাচর দেখিতেছি ধনবানেরা জগজ্জনমধ্যে বিশেষ গণ্য ও আদরগীয় হন। তাঁহারা কোন বিষয়ে নির্ধন লোকের ত্রায় চিন্তাজরে জর্জরীভূত হন না, বিপদেও চিন্তহৃৎ সন্তোষ করিয়া নিশ্চিন্তে কালযাপন করেন। এমন কি তিলাঙ্ককালের জন্তও দুঃখিত থাকেন না। নির্ধন ব্যক্তি যতই কেন বিদ্যাবুদ্ধি-সম্পন্ন হউন না, তাঁহাদিগকে চিরদিন ধনীদিগের পদানত ভূত্য থাকিতে হয়। ভূমি বিবেচনা করিয়া দেখ, ধনহীন ব্যক্তির জন্মই বৃথা। ধনীরা বিপদাপন্ন নিরাশ্রয় ব্যক্তিগণকে ধনদ্বারা নিরাপদ করিয়া আশ্রয় প্রদান করিতে সমর্থ হন। পরিবারদিগকে স্বচ্ছন্দে ভরণপোষণ করিয়া পরমানন্দে কালাতিপাত করেন, এবং সমুদায় ধর্ম্মই তাঁহাদের আরম্ভে থাকে। সুতরাং ধনই সর্ব্বশ্রেষ্ঠ।

সুমন্ত অতি বুদ্ধিমান ও কৃতবিদ্যা, স্তত্রাং রাজনন্দনের এই অমৌক্তিক বাক্য শ্রবণে কিয়ৎকাল মৌনভাবে থাকিয়া বলিলেন, বন্ধো! পরম কারুণিক পরমেশ্বর যে সমুদায় বৃত্তি প্রদান করিয়া মানবকুলের গৌরব বৃদ্ধি করিয়াছেন, বিদ্যা ভিন্ন তাহা পরিমার্জিত হয় না। যে জ্ঞানের নিমিত্ত মহুগ্ধেরা সকল প্রকার জীবজন্তুর উপর একাধিপত্য স্থাপন ও ঈশ্বরের অস্তিত্বজ্ঞান লাভ করিয়াছেন, তাহাও বিদ্যা ব্যতীত লব্ধ হয় নাই। আপনি কিঞ্চিৎ স্থির চিন্তে বিবেচনা করিয়া দেখুন, বিদ্যাদ্বারা সকল কার্যই সাধিত হইতে পারে। অভাবনীয় ও অশ্চর্য্য অশ্চর্য্য কাহ্যসমূহ কেবল বিদ্যাবুদ্ধি দ্বারাই সম্পন্ন হইতেছে। যে কাহ্য বিদ্যাহীন লোক প্রাণ পর্য্যন্ত পণ করিয়াও সমাধা করিতে পারে না, তাহা বিদ্যাবুদ্ধিসম্পন্ন ব্যক্তি অনায়াসে সাধন করিয়া আপামর সাধারণের হিত সাধন করেন। মিত্র! বিদ্যা-বুদ্ধিবিহীন ধনৌর্য্য বিজ্ঞলোকের হায় নিতা চিন্তিত্ব সংভোগ করিতে পাবেন না। ধনৌদিগের অশুভকর সর্বদাই অস্থখা; কেননা তাহারা কুসংস্কারের ক্রীতদাস। সামান্য বিষয়েই তাহারা উৎকণ্ঠিত ও ব্যাকুল হন। আপনি কি বিবেচনায় বিদ্যা অপেক্ষা ধনের শ্রেষ্ঠতা স্বীকার করিতেছেন, বৃত্তিতে পারি না। বোধ হয় প্রমাদে পতিত হইয়াছেন।

আপন সিদ্ধান্তের বিপরীত বাক্য শ্রবণ করিয়া রাজকুমার সংক্রোধ লোচনে বলিলেন, কি বৃথা তর্কবিতর্ক কবিতোছ? আমি চিরকালই জানি, তুমি আমার বাক্য খণ্ডন করিতে সাধ্যমতে ক্রটি কর না, কিন্তু তুমি নিশ্চয় জানিবে যে পৃথিবীর কেহই আমার বাক্য খণ্ডন করিতে পারে না। তুমি নিস্তব্ধ হও, ধনই জগতের মধ্যে শ্রেষ্ঠ পদার্থ। সুমন্ত কহিলেন, যুবরাজ! অকারণ ক্রোধ করেন কেন? এ তর্কের মীমাংসা স্বদেশে হইবার সম্ভাবনা নাই। যে দেশ উভয়েরই অপরিচিত এমন এক দেশে গমন করা যাউক, তাহা হইলে দেখা যাইবে, ধন দ্বারাই বা কি কাহ্য সিদ্ধ হয় এবং বিদ্যাদ্বারাই বা কি কর্ম সম্পন্ন হয়। রাজকুমার তাহাতে সম্মত হইলেন। অতঃপর ভিন্নদেশে গমন করাই স্থির হইল। সেই দিনই রাজনন্দন পশ্চিমাভিমুখে এবং ময়িনন্দন পূর্বাভিমুখে যাত্রা করিলেন।

রাজনন্দন নানা দেশ পরিভ্রমণ করিয়া পরিশেষে বনপধ্যাটনে প্রকৃত হইলেন। সমুদ্রতীরে নিবিড় বন পর্য্যটন করিয়া এক দিবস প্রভাতকালের প্রথমে কিরণে অত্যন্ত তৃষ্ণার্ত হইয়া জলাশয়েন করিতে লাগিলেন, কিন্তু জল চোঁতাতেও

জলপ্রাপ্ত হইলেন না। একে মার্শ্বেণ্ড প্রৱণ্ড করণ, তাহাতে আবার অনেকক্ষণ পধ্যস্ত বনে বনে ভ্রমণ করাতে :ক্লান্ত হইয়া পড়িলেন এবং মৃত্যু নিকটবর্তী জানিয়া খেদ করিয়া বলিতে লাগিলেন, হা পরমেশ্বর! আমি আপন দোষে আপনি বিশদে পড়িয়াছি, ঘোরতর পিপাসা আমার জীবন-নাশিনী হইয়াছে, আর সঙ্ক হয় না। এই তৃষ্ণার্ত নরাধম সন্তানের প্রতি রূপাদৃষ্টিপাত করিয়া কিঞ্চিৎ জীবনদানে জীবন রক্ষা করুন। রাজপুত্র এবশ্পকার আক্ষেপ করিয়া পুনরায় জলাশয়ে প্রবৃত্ত হইলেন। কিয়দূর অতি কষ্টে গমন করিয়া হঠাৎ এক মনোহর উত্থানমধ্যস্থিত একটি সুরমা সরোবর দৃষ্ট হইলে রাজকুমার ত্রস্তভাবে তাহার তটবর্তী হইলেন। রাজপুত্রের পিপাসা ক্রমে ক্রমে তিরোহিত হইতে লাগিল। এই সময়ে তিনি আব এক আশ্চর্য ঘটনা অবলোকন করিয়া বিস্ময়াপন্ন হইলেন। সেই জলাশয়ের সোপানপার্শ্বে একটি কপিবর তপস্বী বেশে করে অক্ষমালা ধারণ করিয়া নয়ন মূদিয়া জগদীশ্বরের ধ্যান করিতেছিল। যুবরাজ বক্ষিম চক্ষে তাহাকে দর্শন করিতে করিতে সরোবরে অবরোহণ পূর্বক হস্তপদাদি প্রক্ষালন করিতে লাগিলেন। হঠাৎ তাঁহার পদভ্রষ্ট একবিন্দু বারি কপিবেশধারী তপস্বীর গায়ে পতিত হইবামাত্র কপিদেহ পরিবর্তন হইয়া তাঁহার মনুজদেহ হইল। তখন তিনি অতি ভয়াবহ গভীর শব্দে কহিতে লাগিলেন, ওরে নরাধম পাপিষ্ঠ, কে তুই? তুই কি জগু আমার সমাধি ভঙ্গ করিলি? কিঞ্চিৎ অপেক্ষা কর, প্রতিকূল প্রদান করিতেছি। রাজনন্দন স্ককুমার তাঁহার তর্জনে কম্পিতকলেবর হইয়া কহিলেন, হে তাপসশ্রেষ্ঠ! আমার অজ্ঞাতনামে বারিবিন্দু আপনার গাত্রে পতিত হইয়াছে। অতএব রূপা করিয়া আমার এই অজ্ঞানকৃত অপরাধ ক্ষমা করুন। আমি বহু কষ্ট সহ করিয়া ভবদীয় শ্রীচরণ দর্শন করিতে আশিঁয়াছি। রাজতনয়ের এবভূত সাকাতর স্তুতিবাক্যে তপস্বী ক্রোধ সম্বরণ করিয়া কহিলেন, তুমি কোন্ বংশে জন্মগ্রহণ করিয়াছ? এবং কি নিমিত্ত এই তরুণ বয়সে বনপধ্যাটনযন্ত্রণা সহ করিতে বাধ্য হইয়াছ? সবিশেষ সমস্ত বর্ণন কর, শুনিতে একান্ত ইচ্ছা হইতেছে। রাজনন্দন আত্মবিবরণ আত্মোপাস্ত বর্ণন করিলেন। উদাসীন হাস্ত করিয়া কিয়ৎক্ষণ মোনাবলম্বন করিয়া রহিলেন। স্ককুমার ক্লতাজলিপুটে দণ্ডায়মান হইয়া বিবিধ প্রকার স্তব করিতে লাগিলেন। তপস্বী যোগবলে তাঁহার মনোহত ভাব অবগত হইয়া আপন করস্থিত অঙ্গুরীয়ক তাহাকে প্রদান করিলেন। কহিলেন, বৎস, এই অঙ্গুরীটি গ্রহণ কর। ইহার নিকট তুমি যখন যাহা চাহিবে, তৎক্ষণাৎ

তাহা প্রাপ্ত হইবে। কিন্তু তুমি এই অরণ্যানীর উত্তর, দক্ষিণ ও পূর্ব প্রদেশ পরিভ্রমণ করিও, পশ্চিম প্রদেশে কদাচ গমন করিও না। তাহা হইলে বিপদ ঘটিবে। স্বকুমার অঙ্গুরী প্রাপ্ত হইয়া তপস্বীর পদচুষন পূর্বক পুনরায় স্তব করিলেন। তপস্বী তাঁহাকে বিদায় করিয়া পূর্ববৎ বানরাকৃতি হইয়া আপন ইষ্ট দেবতাতে মনোনিবেশ করিলেন। রাজনন্দন আপন উদ্দেশ্য সাধনে তৎপর হইলেন।

পূর্ব, দক্ষিণ, উত্তর এই তিনদিক ভ্রমণ করিয়া রাজকুমার চিন্তা করিলেন, যোগী পশ্চিমে যাইতে নিষেধ করিয়াছেন। কি জ্ঞান নিষেধ করিলেন? পরে এই স্থির সিদ্ধান্ত হইল পশ্চিম দিকে কোন আশ্চর্য্য পদার্থ থাকিতে পারে, অতএব তাহা অবলোকন করা কর্তব্য। আমার বিপদ হইবার সম্ভাবনা কি আছে? তপস্বী-দত্ত অঙ্গুরীয়কের নিকট যাহা প্রার্থনা করিব তাহাই পাইব। এক্ষণে পশ্চিম প্রদেশেই গমন করা বিধেয়। এই ভাবিয়া তিনি একাদিক্রমে পশ্চিমাভিমুখে গমন আরম্ভ করিলেন। এইরূপে বিংশ দিবস নানা বন উপবন ও পর্বতশ্রেণী উত্তীর্ণ হইয়া পবিশেষে একটি অপূর্ব নগরে প্রবেশ করিলেন। তত্রতা অভিনব বস্তু, মানবমণ্ডলী ও নগরের শোভা দর্শন করিতে করিতে ক্রমে ক্রমে অগ্রসর হইতে লাগিলেন, দেখিলেন, সম্মুখেই রাজবাটীর প্রবেশদ্বারে একখণ্ড কৃষ্ণবর্ণ প্রস্তরফলকে স্বর্ণাক্ষরে এই লিখিত আছে, “এই রত্নপুর সাম্রাজ্যেশ্বরের দুহিতা প্রতিজ্ঞা করিয়াছেন, যে ব্যক্তি সপ্তাহকাল তাঁহার মনোবাঞ্ছা পূর্ণ করিতে পারিবেন, তিনি তাহাকেই পতিত্ব বরণ করিবেন। যিনি উক্ত সাতদিন অভিলষিত দ্রব্য প্রদান করিতে পরাভূত হইবেন, তাঁহাকে যাবজ্জীবন কারাবাসে থাকিতে হইবে।”

নৃপনন্দন উক্ত বিজ্ঞাপন পঠ করিয়া এবং অল্প অল্প লোকের নিকট রাজদুহিতার রূপলাবণ্যের কথা শ্রবণ করিয়া একেবারে অধীর হইয়া পড়িলেন, এবং মনে মনে চিন্তা করিতে লাগিলেন, কপিক্রপী তপস্বী-দত্ত যে অমূল্যরত্ন আমার নিকটে আছে, তাহার সহায়তায় রাজকুমারীর অভীষ্ট সমুদায় অবলীলাক্রমে প্রদান করিতে পারিব, অতএব রাজদুহিতার পাণিপীড়নে যে আমি সমর্থ হইব, তাহার কোন সন্দেহ নাই। এইরূপ কল্পনাপথবর্তী হইয়া সাহস ও উৎসাহ সহকারে পান্থবস্তী উদ্ভাষন করিলেন।

তৎক্ষণাৎ কতিপয় পরম স্নন্দর যুবা পুরুষ আসিয়া রাজনন্দনের হস্তধারণ-

পূর্বক নৃপতিসন্নিধানে সভামণ্ডপে লইয়া গেল। রাজা যথোচিত সমাদরে নিকটবর্তী অপূর্ব আসন গ্রহণ করিতে অমুমতি করিলেন। রাজনন্দন ভূপতিকে সবিনয় সম্ভাষণ করিয়া আসন পরিগ্রহ করিলেন। নৃপতি যুবরাজের ভুবন-মোহন রূপলাবণ্য দর্শনে বিমোহিত হইয়া মনে মনে চিন্তা করিতে লাগিলেন, এই যুবকটি অবশ্যই কোন রাজকুল অনঙ্গত করিয়াছেন, কিন্তু আমার কণ্ঠা কি দুর্ভাগ্যবতী, এইরূপ স্নেহময়ের অঙ্কলক্ষ্মী না হইয়া বরং যথাসর্বস্ব হরণপূর্বক ইহাকে বিপদে পাতিত করিবে। যাহা হউক, এই উৎসাহোন্মত্ত যুবককে সর্বিশেষ অবগত করাইয়া পূর্বেই সতর্ক করা আমার কর্তব্য হইতেছে। এইরূপ চিন্তা করিয়া নরপতি স্নানবদনে মুহুঃ সম্বোধনে কহিলেন, বৎস! তোমার আকৃতি প্রকৃতি দেখিয়া আমার অনুভব হইতেছে, তুমি কোন সম্ভ্রান্ত বংশ বা রাজকুলে জন্ম পরিগ্রহ করিয়াছ, দেশ পর্যাটন ব্যতীত তোমার অণু কোন অভিসন্ধি ছিল একরূপ বোধ হয় না। যাহা হউক, তুমি অগ্রপশ্চাৎ বিবেচনা না করিয়া উদ্ধাধ্বনি করাতে ইচ্ছা করিয়া বিপদহস্তে আত্মসমর্পণ করিয়াছ। কতশত রাজপুত্র অসংখ্য ধনরত্ন ও বিবিধ প্রকার আশ্চর্য্য বস্তু প্রদান করিয়াও আমার অঙ্গজার মনস্তৃষ্টি সাধন করিতে পারেন নাই। বিবাহ করিয়া স্নেহ-সন্তোগ করা দূরে থাকুক, কারাগারে চিরকষ্ট ভোগ কবিতোছেন। আপনার সহিত ধনজন কিছুমাত্র দেখিতেছি না। কি প্রকারে রাজকন্ডার মনোবিক্ষেপ পূর্ণ করিবেন, বুঝিতে পারিতেছি না। বৎস! আমি পুনঃপুনঃ নিষেধ করিতেছি, ইচ্ছা করিয়া অনলে অঙ্গ বিসর্জন করিও না। জীবন্তলাভলালসা পরিত্যাগ কর। আমার দুহিতার প্রকোষ্ঠে প্রবেশ করিলে তখন আমার রক্ষা করিবার ক্ষমতা থাকিবে না। যুবরাজ নৃপতির বাক্য শুনিয়া মনে মনে নানা প্রকার আন্দোলন করিতে লাগিলেন। এখন উপায় কি করি। নৃপদুহিতার অলৌকিক রূপলাবণ্য আমার মনোহরণ করিয়াছে, স্মরণে চিত্তবারণ ধৈর্য্যাক্ষুশেও বারণ না মানিয়া সেই পদ্মিনী গ্রহণ করিতে প্রতিজ্ঞা সরোবরে ধাবিত হইতেছে। এইরূপ চিন্তা করিয়া ক্রুতাজলিপুটে কহিলেন, মহারাজ! আপনার অমৃতময় উপদেশ আমার শিরোধার্য্য; তথাচ এই নিবেদন করিতেছি, আমি যাতনা সহ্য করিয়া যখন এ পর্য্যন্ত আসিয়াছি, তখন অভিলষিত রত্ন লাভ করিতে পারিব না বলিয়া স্বস্থানে প্রত্যাগমন করিব না। যাহা ভবিষ্যৎ লিখিত আছে, তাহাই ঘটবে। আমি আপনার তত্ত্বজ্ঞান মানস পূর্ণ করিতে সমর্থ কিনা, ইহা আপনি কিরূপে বুঝিতে পারিলেন? আমার সহিত ধনরত্ন ও বস্তু গচ্ছ নাই।

বলিয়া অবজ্ঞা করিবেন না। যেহেতু সকল মহাত্মা একভাবে নহে। আমি যে একাকী এই অপরিচিত দূরদেশে আসিয়া শতশত রাজপুত্র যে কার্য সাধন করিতে সমর্থ হয় নাই তাহা সিদ্ধ করিতে সাহস প্রকাশ করিতেছি, ইহার অবশ্যই কোন নিগূঢ় কারণ থাকিতে পারে। তজ্জন্ম আপনি চিন্তা করিবেন না। আপনার দুহিতার নিকটে দূত প্রেরণ করুন, তাঁহার কি বাঞ্ছা, জানিতে পারিলেই অবিলম্বে পূর্ণ করিম। রাজা স্কুমারের এই সাহসের বাক্য শ্রবণ করিয়া আহলাদে গদগদচিত্ত হইয়া সভাসদৃদিগকে বলিলেন, ইহার সাহস দেখিয়া বোধ হইতেছে, ইনি অনায়াসে রাজকন্য়ার মনোবাঞ্ছা পূর্ণ করিতে পারিবেন। এক্ষণে কন্যাব নিকটে ইহাকে প্রেরণ করা কর্তব্য। এই বলিয়া সভা ভঙ্গ করিতে আদেশ করিলেন।

ভূপতি রাজনন্দন স্কুমারকে আপন অন্তঃপুরে লইয়া ভোজনাদি করাইলেন এবং তাহার বিশ্রামার্থ একটি প্রকোষ্ঠ নিরূপিত করিয়া দিলেন। রাজনন্দন তথায় বিশ্রাম-সুখানুভব করিতে লাগিলেন। অনন্তর রাজা শয়নমন্দিরে উপস্থিত হইয়া মহিসীকে বলিলেন, প্রিয়ে! অগ্ৰ তরুণবয়স্ক একটি রাজপুত্র তোমার হৃদয়নন্দিনীর প্রতিজ্ঞা পূর্ণ করিতে আসিয়াছেন। তিনি অতিশয় রূপবান। তাহার মুখচন্দ্রমা নিরীক্ষণ করিলে হৃদযাদুধি আনন্দে উদ্বেল হইয়া উঠে। আর এক আশ্চর্য্যের বিষয় এই যে, তাঁহার সহিত ধনজন মাত্র নাই, তথাচ তিনি কন্যার প্রতিজ্ঞা পূর্ণ করিতে অভূতপূর্ব সাহস প্রকাশ করিতেছেন। তুমি কন্যাকে সংবাদ প্রদান কর, আমি রাজকুমারকে এই স্থানে আনয়ন করিতেছি।

রাজকন্যা স্কুমারের আগমনবার্তা পূর্বেই অবগত হইয়া সহচরী সমভিব্যাহারে তাঁহার গর্ভ খরঁ করিবার উপায় চিন্তা করিতেছিলেন। এমন সময় রাজমহিষী দুহিতার নিকটবর্তিনী হইয়া বলিলেন, বৎসে! তোমার প্রতিজ্ঞা পূর্ণ করিতে এক রাজপুত্র উপস্থিত হইয়াছে, মহারাজ তাঁহাকে তোমার নিকটে লইয়া আসিতেছেন, এখন তুমি কি করিবে স্থির কর। মহিষীর বাক্যাবসান হইতে না হইতেই একজন কিস্করী আসিয়া বলিল, ঠাকুরানি! মহারাজ সেই রাজপুত্রের সহিত উপস্থিত হইয়াছেন। এই বাক্য শ্রবণে রানী কিঞ্চিৎ অন্তবালে দণ্ডায়মান হইলেন। রাজা দুহিতার প্রকোষ্ঠে স্কুমারের সহিত আসন পরিগ্রহ করিলেন।

রাজনন্দিনী, যুবরাজ স্কুমারকে দর্শন করিবামাত্র সগর্বে স্বীয় সহচরীকে সৌন্দর্য্য করিয়া বলিলেন, আমি যুবরাজের নিকট বিংশতি সহস্র স্বর্ণমুদ্রা প্রার্থনা

করি। রাজনন্দন এই বাক্য শ্রবণ করিবামাত্র তৎক্ষণাৎ রাজনির্দিষ্ট স্বীয় বাসস্থানে প্রতাগত হইয়া দ্বার রুদ্ধ করিলেন এবং করস্থিত অঙ্গুবীক্ষকে সম্বোধন করিয়া বলিলেন, অঙ্গুবীক্ষক ! রাজকন্টার অভিলষিত মূদ্রা প্রদানে আমাকে কৃতার্থ কর। নিমেষকালমধ্যে মূদ্রা উপস্থিত হইল। তখন নৃপনন্দন বিংশতি সহস্র স্বর্ণমূদ্রা গণনা করিয়া রাজনন্দিনীর সহচরীর করে অর্পণ করিলেন। রাজা এই আশ্চর্যা ব্যাপার দেখিয়া বিস্ময়োৎফুল্ল বদনে যুবরাজের অনেক প্রশংসা করিতে লাগিলেন এবং ভাবিলেন, এই ব্যক্তি রাজকন্টার সম্পূর্ণ বাজা পূর্ণ করিয়া নিঃসন্দেহ পাপি গ্রহণ করিবেন।

দ্বিতীয় দিবস বাজা পূর্বাপেক্ষা অধিক সম্মান সহকারে রাজপুত্রকে ভোজনাদি করাইয়া তাঁহার ভ্রমণবৃত্তান্ত অবগত হইতে লাগিলেন, কিন্তু রাজকুমারী অণু আবার কি প্রার্থনা করেন, এই চিন্তায় রাজকুমারের অন্তঃকরণ ব্যাকুল হইতে লাগিল। অঙ্গুবীক্ষকের অলৌকিক গুণ স্মরণ হওয়াতে পুনর্বার মনোযোগপূর্বক ভ্রমণবৃত্তান্ত বর্ণন করিতে লাগিলেন। বজ্ঞনীযোগে রাজকন্টা তাঁহাকে নিকটে আহ্বান করিয়া মূর সম্বোধন বলিলেন, যুবরাজ ! কল্যা আপনি এ দাসীর অভিলষিত অর্থ প্রদানে চরিতার্থ করিষাছেন, অণু অমুগ্রহ প্রকাশ করিয়া বিংশতি সহস্র রৌপ্যমূদ্রা প্রদান করুন। রাজপুত্র শ্রবণমাত্র পূর্ববৎ উপায়াবলম্বন করিয়া বিংশতি সহস্র রৌপ্যমূদ্রা তৎক্ষণাৎ প্রদান করিলেন। এই রূপে চতুর্থ দিবস তাঁহার বাজা পূর্ণ করিয়া নৃপনন্দনের অন্তঃকরণে কৃতকার্যের আশা ক্রমেই বলবতী হইতে লাগিল। রাজনন্দিনী কি কৌশলে রাজপুত্রকে প্রতিজ্ঞাজালে বদ্ধ করিবেন, একান্তমনে সেই উপায় উদ্ভাবন করিতে লাগিলেন; সখীকে কহিলেন, সহচরি ! আর তিন দিবস প্রতিজ্ঞা পূর্ণ করিলেই আমার গর্ভ সম্পূর্ণরূপে খর্ব হইবে, সুতরাং বিবাহ করিয়া রাজনন্দন যে, আমার অহঙ্কার চূর্ণ করিতে সক্ষম হইবেন, তাহা বলা বাহুল্য। অতএব যাহাতে মান রক্ষা হয়, এক্ষণ উপায় কর। এই আগন্তুক যুবাংকুরদের সহিত কোনরূপ অর্থ থাকি। দূরে থাকুক, দ্বিতীয় পরিধেয় বস্ত্রও নাই। অতএব ইনি কোথা হইতে আমার অভিলষিত অর্থ সংগ্রহ করেন, তাহার অনুসন্ধান করা অত্যাশঙ্ক্য। বোধহয়, ইহার নিকট কোনরূপ দুর্লভ বস্তু আছে, তাহার নিকট বাহা প্রার্থনা করেন, তৎক্ষণাৎ তাহাই প্রাপ্ত হন। রাজকন্টা চতুরা সহচরী এই বাক্য শ্রবণে

সতর্ক হইয়া তত্ত্বাহসন্ধানে প্রবৃত্ত হইল। স্বকুমার নৃপতিসম্মিধানে উপবিষ্ট হইয়া ভ্রমণবৃত্তান্ত বর্ণন করিতেছেন, এই অবকাশে রাজকন্টার সহচরী স্বকুমারের নিদ্দিষ্ট বাসস্থানে এক্রপ কৌশলে আত্মগোপন করিল যে, সমুদায় দেখিতে পায়, কিন্তু তাহাকে কেহ দেখিতে পায় না।

রাজহুহিতা স্বকুমারকে আহ্বান করিয়া বলিলেন, রাজপুত্র! গজমুক্তা হাব পরিধান করিতে আমাব একান্ত ইচ্ছা হইয়াছে, আপনি একশত মুক্তা প্রদান করিয়া বাজ্ঞাপূর্ণ করুন। বাজনন্দন অবিলম্বে শয়নালয়ে উপস্থিত হইয়া দ্বারাবরোধ পূর্বক করস্ত অঙ্গুরীয়কে বলিলেন, প্রিয় অঙ্গুরি! অত রাজকন্টার বাসনা পূর্ণ কর। এই কথা বলিবামাত্র একশত গজমুক্তা নিকটস্থ হইল। তিনি তৎক্ষণাৎ সেইগুলি বস্ত্রমণ্ডিত করিয়া স্বয়ং রাজকুমারীর সম্মিধানে প্রফুল্লান্তঃকরণে উপস্থিত হইলেন।

চতুরা সহচরী গোপনভাবে থাকিয়া সমুদায় অবলোকন পূর্বক বিস্মিতান্তঃকরণে নিঃশব্দে গৃহ হইতে বহির্গত হইয়া নৃপনন্দিনীর নিকট উপস্থিত হইল। যুবরাজ কন্টার প্রার্থিত গজমুক্তা প্রদান করিয়া স্বস্থানে প্রস্থান কবিলে সহচরী রাজকন্টার সমুখবর্তিনী হইয়া সমুদায় বর্ণন করিল। নৃপস্বতা শুনিয়া বিশ্বয়োৎফুল্ল লোচনে কহিলেন, সখি! আমি যাহা চাহিব, নৃপনন্দন তাহাই অনায়াসে প্রদান করিবেন, স্ততরাং আব দুই দিবস পরে আমারে তাঁহার ক্রোড়গামিনী হইতে হইবে। আমি যে, এত রাজপুত্রকে কৌশল চক্রে বদ্ধ করিয়াছি, বোধহয়, তাহার প্রতিশোধ লইতেই এই মহাত্মা আগমন করিয়াছেন। অতএব এখন উপায় কি করি, স্থির কর।

সখী ঈষৎ হাস্ত করিয়া কহিল, রাজনন্দিনী! চিন্তা কি? যখন অঙ্গুরীয়কের সন্ধান পাইয়াছি, তখনই আপনার অভীষ্ট সিদ্ধ হইয়াছে। আর চিন্তা নাই। আপনি রাজকুমারের নিকট তাঁহার করাস্থিত অঙ্গুরীটি প্রার্থনা করিবেন। তাহাতে দুই প্রকারেই আপনার ইচ্ছা ফলবতী হইবে। কেননা যদি রাজনন্দন অঙ্গুরীয়ক প্রদানে অস্বীকৃত হন তাহা হইলেও তিনি আপন প্রার্থিত বস্ত্র প্রদানে অক্ষম হইলেন এবং যদি প্রদান করেন, তবে আপনি পরদিন যাহা প্রার্থনা করিবেন, অঙ্গুরী না থাকিলে তিনি কখনই তাহা দিতে সমর্থ হইবেন না। অতএব সর্বথা আপনার মঙ্গল দেখিতেছি। রাজতনয়া এই বাক্য শ্রবণ করিয়া ধাবপন্নাই আফ্লাদিত হইলেন। ষষ্ঠ দিবস উপস্থিত হইলে, যুবককে আহ্বান করিয়া বলিলেন,

রাজকুমার! অগ্নি আমি একটি মানিক্যাসুরী প্রার্থনা করিতেছি। ভবিষ্যৎ-জ্ঞানশূন্য নির্বোধ রাজকুমার অঙ্গুরীয়কের নিকট মানিক্যাসুরী যাচঞা না করিয়া আপন অঙ্গুলিস্থিত অঙ্গুরীটি তৎক্ষণাৎ সখীর হস্তে অর্পণ করিলেন। সহচরী রাজতনয়াকে অঙ্গুরী প্রদান করিয়া বলিল, আপনার বাঞ্ছা সিদ্ধি হইল, আর চিন্তা কি? নৃপতনয়া সহস্র বদনে অঙ্গুরী পরিধান করিলেন।

বাজপুত্র বাসস্থানে উপস্থিত হইয়া চিন্তা করিতে লাগিলেন, অঙ্গুরীয় প্রাপ্ত হইয়া রাজকন্যা সন্তুষ্ট হইয়াছেন; বোধহয় অগ্নি কোন বস্তু আর প্রার্থনা করিবেন না। এই সময় দিননাথ অস্তাচলে গমন করিলেন। দিকসকল যেন ভূপতি পুত্রের ভাবী দুঃখেই মলিনা হইল। নির্বোধ রাজপুত্র দুর্ভাগ্যের বশবর্তী হইয়া রজনীর অন্তকাল মৃত্যুঃ প্রতীক্ষা করিতে লাগিলেন। কেননা তাহার মনে দৃঢ় প্রত্যয় হইয়াছিল যে, প্রভাতেই রাজকন্যার পাণিগ্রহণে সন্ধ্যা হইবেন। শশিসৌম্যাস্ত্রিনী যামিনী বাজপুত্রের ভাবী দুঃখ দুঃখিনী হইয়া গমনসময়ে বিহগকুলের কলরবই যেন ক্রন্দন এবং শিশির পতনচ্ছলেই যেন অশ্রু বিসর্জন কবিত্তে করিতে প্রস্তুত কবিলেন। কমলমুখী রাজকন্যার শুভোদ্যোগেই যেন সূর্য্যদেব উদিত হইলেন। তদর্শনেই যে তিনি প্রফুল্ল হইলেন ইহাতে আর আশ্চর্য্য কি?

প্রাতঃকালেই রাজা রাজসভায় উপস্থিত হইলেন এবং সভাসদগণকে সম্বোধন করিয়া বলিলেন, অগ্নি আমার কি শুভদিন! এত দিনের পরে বুদ্ধি জগদীশ্বর আমাব প্রতি সদয় দৃষ্টিপাত করিলেন। যাহা কখনই সংঘটিত হইবে না মনে ছিল, অগ্নি তাহাবই সংঘটনের লক্ষ্য সকল প্রত্যক্ষ করিতেছি। কতগত রাজপুত্র আমার দুহিতার মনোরথ পূর্ণ কবিত্তে না পারিয়া চিরকালের নিমিত্ত কারাবাসী হইয়াছেন। স্বকুমার ষষ্ঠ দিবস তাঁহার কাঙ্ক্ষিত বস্ত্র প্রদান করিয়াছেন। অগ্নি সপ্তম দিবস। বোধ হয়, ঈশ্বরের রূপায় তিনি কৃতকার্য্য হইবেন। সভাসদেরা রাজার বাক্য শ্রবণ করিয়া বলিলেন, রাজকুমারের লক্ষ্য দেখিয়া বোধহয়, তিনি সামান্য মনুষ্য নহেন। তিনি যে, অগ্নি আপনার দুহিতার অভিলষিত দ্রব্য দানে তদীয় পাণিপীড়ন করিবেন, তাহাতে সংশয় হইতেছে না।

ওদিকে রাজপুত্রী নৃপপুত্রকে আহ্বান করিয়া সাদর সম্ভাষণে বলিলেন, রাজপুত্র! আমি আপনার দোজ্ঞ ও বুদ্ধিকৌশলে যারপরনাই সন্তুষ্ট হইয়াছি। অগ্নি আমার প্রার্থিত বস্ত্র প্রদান করিয়া প্রতিজ্ঞা পূরণ করুন। আর একটি

মাণিক্যাজুরীয়ক প্রার্থনা করিতেছি। রাজকুমারী এই প্রার্থনা করিণামাত্র যুবরাজের মস্তকে যেন বজ্র পতিত হইল। তিনি চতুর্দিক অন্ধকার দেখিতে লাগিলেন। রাজপুত্রীর প্রার্থিত অঙ্গুরী কোথায় পাইবেন? তপস্বী-দত্ত অমূল্য অঙ্গুরী আর নিকটে নাই। স্তব্রাং রাজকন্যার প্রার্থনা পূর্ণ করিতে অসমর্থ হইলেন।

রাজনন্দন ক্ষণকাল চিন্তা করিয়া নির্দিষ্ট বাসস্থানে উপস্থিত হইলেন। তথায় নির্জনে আক্ষেপ করিয়া বলিতে লাগিলেন—হা বন্ধো! তুমি কোথায়? আমি যে বিষম বিপদে পতিত হইয়াছি, তুমি ইহাব কিছুই জানিতে পারিতেছ না। তোমার বাক্যে অবজ্ঞা করিয়া জীবন থাকিতেই শমনভবন দর্শন করিলাম! কোথায় রাজকন্যার পাণিগ্রহণ করিয়া তাঁহার সুধাময় প্রণয়সুধাপানে পিপাসিত চিত্তচকোবকে পরিতপ্ত করিব, না কোথায় চিবকালের নিমিত্ত কাবাগারবাসী হইতে চলিলাম।

হা মৃত্যু! কাবাগারে প্রবেশ করিবার পূর্বে তুমি কেন আমাকে গ্রহণ করিতেছ না? পৃথিবী! তুমি বিধা হও, আমি তোমার গর্ভে প্রবেশ করি। তাহা হইলে জীবনমৃত্যুকারিণী লজ্জা আমাকে আর যন্ত্রণা দিতে পারিবে না। হায়! আমি কি নির্কোষ! লোভ আমার সর্বনাশ করিল। যদি লোভ না করিয়া বুদ্ধির অন্তগত হইতাম, তাহা হইলে ছদ্মশা আমাব সহচরী হইত না। আমি করস্ত অমূল্য অঙ্গুরীয়ক রাজকুমারীকে কেন প্রদান করিলাম? কেন আমি অঙ্গুরীয়কের নিকট অঙ্গুরী প্রার্থনা করিলাম না? তাহা হইলে অদ্ব রাজপুত্রীর প্রার্থনা পূর্ণ করিতে সক্ষম হইতাম। এখন কি করিব? নিজ বুদ্ধিদোষে নিজ মস্তকে আপদকে স্থানদান করিলাম। হা পিতা! হা মাতা! তোমরা কোথায়? হা! কেন আমি পিতামাতাকে স্মরণ করিতেছি! নির্কোষ পুত্র যে পিতামাতার হৃদয়শেল, সে যে নরাধম, সে কখনও তাহাদিগকে স্মরণ করিবার পাত্র নহে। আমি নির্কোষ, আমার তুল্য নরাধম জগতে নাই।

স্বকুমার এইরূপে খেদ করিতেছেন, ইত্যবসরে প্রভাকর যেন তাঁহার দুঃখেই দুঃখিত হইয়া ক্রমে ক্রমে মলিন হইতে লাগিলেন। তাঁহার সমদুঃখিনী হইয়া অন্ধকারময়ী রজনী উপস্থিত হইল। রজনীকান্ত চক্ষুমা যেন নিজ রমণীকে পরদুঃখে কাতরা দেখিয়া প্রফুল্ল হইলেন। এই সময়ে রাজকন্যা স্বীয় সহচরীদিগকে

বলিলেন, রাজপুত্র অনেকক্ষণ গমন করিয়াছেন, এ পর্য্যন্ত প্রত্যাগত হইলেন না, তিনি অরুতকার্য্য হইয়াছেন সন্দেহ নাই। রজনীপ্রভাতে তাঁহাকে কারাগারে প্রেরণ করা আবশ্যক।

সুকুমার সমস্ত রজনী চিন্তাশয্যায় শয়ন করিয়া অতিবাহিত করিলেন। তাঁহার সুকুমার মুখচ্ছবি লাবণ্যহীন হইল। নিশাপতি তাঁহারই বদনপ্রতিমা ধারণ করিয়াই যেন মনোদুঃখে লুপ্তায়িত হইলেন। রাজপুত্র রাজপুত্রীর প্রতিজ্ঞা পূর্ণ করিতে অসমর্থ হইয়াছেন, পাখীরা যেন সেই কথা বলিয়াই কলরব করিয়া উঠিল। সুকুমার এতক্ষণ অন্ধকারে লজ্জাপিত কলেবর আচ্ছন্ন করিয়া রাখিয়াছিলেন, সূর্য্যদেব কিরণজাল বিস্তারপূর্ব্বক তাহা স্পষ্ট করিয়া দেখাইতে লাগিলেন। রাজপুত্রের মুখচন্দ্রমা ক্রমেই মলিন হইতে লাগিল।

রাজতনয়া রজনীপ্রভাতে সহচরীদিগকে বলিলেন, কারাধ্যক্ষকে সংবাদ দাও, রাজপুত্র আমার প্রার্থনা পূর্ণ করিতে পারেন নাই, অতএব তিনি তাঁহার কর্তব্যকর্ম্ম সমাধা করুন। সহচরী নৃপকুমারীর আদেশানুসারে কারাধ্যক্ষকে সংবাদ দিল। কারাধ্যক্ষও সুকুমারের নিকট উপস্থিত হইয়া প্রতিজ্ঞানুসারে তাঁহাকে কারাগারে আবদ্ধ করিলেন। নৃপতি সেই বাক্য শ্রবণে যৎপরোনাস্তি দুঃখিত হইয়া বলিলেন, আমার দুহিতার মনোমত পাত্র পৃথিবীতে আর নাই। রাজনন্দন ছয় দিবস তাহার প্রার্থনা পূর্ণ করিলে ভাবিয়াছিলাম, সপ্তম দিবসেও তিনি কৃতকার্য্য হইবেন। কিন্তু সে আশা বৃথা হইল। তাদৃশ গুণাকর রাজকুমার যখন পরাস্ত হইলেন, তখন অণু কেহ যে, জয়ী হইবেন, তাহার ভরসা ফুরাইল। বোধহয়, রাজপুত্রীকে চিরকাল অনুচাবস্থায় থাকিতে হইবে। অতএব এটি তাহার প্রতিজ্ঞা নহে, বিধাতার বিড়ম্বনা। রাজা এইরূপ মনস্তাপ প্রকাশ করিয়া নিস্তব্ধ হইলেন। যুবরাজ কারাগারে নিষ্কিন্তু হইয়া অশেষ যত্নাভোগ করিতে লাগিলেন।

দ্বিতীয় পরিচ্ছেদ

পাঠক মহাশয়! রাজকুমার সুকুমার রত্নপুরের কারাগারে থাকুক, আত্মন, আমরা মন্ত্রিপুত্র স্বয়ম্ভের অন্বেষণ করি। তিনি কোথায়? আত্মন দেখিতে পাইবেন? স্বয়ম্ব ধাক্কিতে পারে, মন্ত্রিতনয় পূর্ব্বদিকে ভ্রমণ করিতে গিয়াছিলেন। তিনি বহুস্থান পর্য্যটন করিয়া যে স্থানে তপস্বী কপিরূপ ধারণ করিয়া তপস্তা করিতেছেন,

সেই স্থানে অকস্মাৎ উপস্থিত হইলেন। কপিবর মন্ত্ৰগ্ৰেহ ত্রায় ধানপরায়ণ হইয়া রহিয়াছে দেখিয়া তাঁহার বিস্ময় জন্মিল। অনন্তর হস্তাশ্লিত জলকণা কপি-তপস্বীর অঙ্গে নিক্ষিপ্ত হইল। তিনি সেই বারিস্পর্শে কদাকার মন্ত্ৰাশরীর ধারণ পূর্বক তর্জ্জন গর্জ্জন করিয়া বলিলেন, কে রে পাপিষ্ঠ! অকারণে আমার সমাধি ভঙ্গ করিলি? মন্ত্ৰিপুত্র এক আশ্চর্য্য হইতে অপর আশ্চর্য্য ঘটনা অবলোকন করিয়া ক্ষণকাল নিস্তব্ধ হইয়া রহিলেন, অনন্তর যোগিবরের পদানত হইয়া কাতরস্বরে বলিলেন, ভগবন! আমি বিদেশী, অজ্ঞাতসারে এই কুকর্ম্ম করিয়াছি। আপনি ক্ষমা করিয়া ক্ষমা না করিলে উপায়ান্তর নাই। তপস্বী তাঁহার বিনয়বাক্যে সন্তুষ্ট হইয়া কহিলেন ভয়, নাই, অজ্ঞানরূত অপরাধ ক্ষমা কবিলাম। মন্ত্ৰিনন্দন আশঙ্ক হইয়া সবিনয়ে তপস্বীকে অনেক স্তব কবিলেন। তাহাতে তিনি সদয় হইয়া বলিলেন, বৎস! আমি তোমাকে বর প্রদান করিতেছি, তুমি জগদীশ্বরকে স্মরণ করিয়া, যে প্রকার শরীর ও প্রকৃতি ধারণ কবিতে ইচ্ছা কবিবে, তৎক্ষণাৎ তাহাই হইবে। মন্ত্ৰিনন্দন এই বর প্রাপ্ত হইয়া, তপস্বীকে প্রণাম প্রদক্ষিণ পূর্বক গমনোন্মুখ হইলেন। তপস্বী তাঁহার ভ্রমণবৃত্তান্ত সমস্ত অবগত হইয়া বলিলেন, তুমি অণু কয়েক দিকে ভ্রমণ করিও, কিন্তু কদাচ পশ্চিম প্রদেশে গমন কবিও না। তথায় অনিবার্য্য বিপদের সম্ভাবনা আছে। মন্ত্ৰিপুত্রকে এই সমস্ত উপদেশ প্রদান করিয়া তপস্বী পুনর্ব্বার সরোবরের পার্শ্বস্থ ঘাটে অবগাহন করিয়া কপিকলেবর ধারণ করিয়া জগদীশ্বরের ধ্যানে মনঃসংযোগ করিলেন।

মন্ত্ৰিনন্দন স্তম্ভ, সরোবরের যে প্রান্তের জল স্পর্শে কপিক্রপী তপস্বী মানবরূপ প্রাপ্ত হইয়াছিলেন এবং পুনর্ব্বার যে প্রান্তের জলে অবগাহন করিয়া কপিরূপ ধারণ করেন, তৎসমুদায় নিরীক্ষণ করিয়া চমৎকৃত ও আনন্দিত হইলেন, এবং ঐ দুই স্থানের জল ভিন্ন ভিন্ন আধারে লইয়া তথা হইতে প্রস্থান করিলেন। গমন করিতে করিতে চিন্তা করিতে লাগিলেন, তপস্বী আমাকে পশ্চিম ভ্রমণ করিতে নিষেধ করিয়াছেন, বোধ হয়, তথায় কোন অদ্ভুত বস্তু থাকিতে পারে। তাহা দর্শন করা আবশ্যক। যদি নিতান্ত বিপদ ঘটে, তবে তপস্বী-দত্ত বরপ্রভাবে বুদ্ধির সহায়তায় অবশ্যই পরিত্রাণ পাইব। এই চিন্তা করিয়া আগে পশ্চিম দিকেই চলিলেন। কিয়দূর গমন করিয়া তপস্বী-দত্ত বর পরীক্ষার্থ অস্তঃকরণে ষোড়শী রূপসী দিব্যাজনার রূপ চিন্তা করিবা মাত্র, তৎক্ষণাৎ তাঁহার শরীর তদ্রূপ হইল। তদ্রূপে

তিনি একবারে বিমোহিত ও চমৎকৃত হইলেন। নারীরূপ ধারণ করিয়া ভ্রমণ করা অস্বাভাবিক বিবেচনায় ঈশ্বরকে স্মরণ করিয়া পুনর্বার আপন স্বাভাবিক পুরুষদেহ প্রাপ্ত হইলেন। এইরূপে কিয়দিন গমনানন্তর রত্নপুবে উপস্থিত হইলেন। নগরের শোভা দর্শন করিয়া তাঁহার আনন্দ বৃদ্ধি হইল। স্মরণ্য কৌতুহলাক্রান্ত হইয়া রাজধানী ভ্রমণ করিতে চলিলেন। সিংহদ্বারে উপস্থিত হইবামাত্র দেখিতে পাইলেন, নির্মল কৃষ্ণবর্ণ প্রস্তুতফলকে স্বর্ণবর্ণে রাজকন্ঠার প্রতিজ্ঞা বিবরণ পূর্ববৎ লিখিত আছে। তাহার সম্মুখে ঘণ্টা দোঁড়লামান রহিয়াছে। প্রহরীগণ নিঃশব্দে ইতস্ততঃ ভ্রমণ করিতেছে। মন্দিরনন্দন দেখিবামাত্র বৃত্তিতে পাবিলেন, যে ব্যক্তি রাজকন্ঠার প্রতিজ্ঞা প্রতিপালনে সম্মত হয়, সে এই ঘণ্টা বাদন দ্বারা তাঁহাকে সংবাদ প্রদান করে। যাহা হউক, ইহার বিশেষ বৃত্তান্ত অবগত না হইয়া ঘণ্টাধ্বনি করা অস্বাভাবিক। কাবণ ইহাতে বিপদ ঘটবার সম্ভাবনা আছে। এইরূপ চিন্তা করিয়া সেই স্থান পরিত্যাগ পূর্বক নির্জনপথে একটি বকুলবৃক্ষতলে উপবেশন করিলেন। মন্ত্রিপুত্র উপবিষ্ট হইয়া নানা প্রকার চিন্তা করিতেছেন, এমন সময় রাজবাটী হইতে কুন্তকক্ষে কতিপয় পবিচাষিকা তাঁহার নিকটবর্তী বৃক্ষেব অন্তরালে উপস্থিত হইল, এবং পরস্পর কথোপকথন করিতে করিতে বলিল, “রাজকন্ঠা যেরূপ প্রতিজ্ঞা করিয়াছেন, তাহা কখন যে, পূর্ণ হইবে, এরূপ বোধ হয় না। রাজনন্দন স্কুমার, তাঁহার প্রতিজ্ঞাত প্রার্থনা ছয় দিবস পূর্ণ করিয়াছিলেন। একদিন অসমর্থ হওয়াতে কলা কাবাগাবে নিষ্কিপ্ত হইয়াছেন। তাঁহার দুর্দশা দেখিয়া আমাদের হৃদয় বিদারিত হইতেছে।” এই কথা বলিবামাত্র মন্ত্রিপুত্রের দিকে দৃষ্টি নিষ্কিপ্ত হওয়াতে তাহার কথোপকথনে বিরত হইয়া জল আনয়নার্থে প্রস্থান করিল। তৎশ্রবণে মন্ত্রিপুত্র চিন্তা করিলেন, ইহার রাজপুত্র স্কুমারকে লক্ষ্য করিয়া কথাবার্তা কহিতেছিল। বোধহয় ঐ স্কুমার আমার বন্ধু হইবেন। যাহা হউক, রমণীগণ ফিরিয়া আসিলে, সবিশেষ জিজ্ঞাসা করিব।

পরিচারিকাগণ জলপূর্ণ কুন্তকক্ষে করিয়া প্রত্যাগত হইলে মন্ত্রিপুত্র জিজ্ঞাসা করিলেন, আমার বোধ হইতেছে, তোমরা এই রাজবাটীর পরিচারিকা হইবে। যদি আমার অস্বাভাবিক মিথ্যা না হয়, তবে কিঞ্চিৎ বিলম্ব করিয়া আমার কয়েকটি বাক্যের উত্তর দান করিলে, উপকৃত হই। এ রাজ্যের রাজার নাম কি? এবং সিংহদ্বারে একটি বৃহৎ ঘণ্টাই বা ঝুলিতেছে কেন? একটি কিস্করী উদ্ভিদ

করিল। মহাশয় আমাদের রাজার নাম রত্নধ্বজ, তাঁহার পুত্রসন্তান হয় নাই। একটি পরমাসুন্দরী কন্যা আছেন। সেইটিই আমাদের মহারাজের একমাত্র সন্ততি। রাজা ও রানী সেই কুমারীটিকে অতিশয় ভালবাসেন। কন্যার নাম রত্নবতী। আপনি যে বৃহৎ ঘটাব কথা জিজ্ঞাসা করিতেছেন, রাজকুমারীর একটি কঠিন প্রতিজ্ঞাই সেই ঘটনা বুলাইবার কারণ। কিন্তু সে কথা এক্ষণে বলিবার সময় নয়। আমরা রাজকন্যার পরিচারিকা। প্রতিদিন তাঁহার স্নানার্থ জল আহরণ করিয়া থাকি। যে জল আমরাদিগের কক্ষে দেখিতেছেন, তাহা দ্বারা পাষণনির্মিত ক্ষুদ্র পুষ্করিণী অত্যন্ত পূর্ণ করিয়া রাখিব, কলা নৃশনন্দিনী ইহাতে স্নান করিবেন, অতএব অধিকক্ষণ বিলম্ব করিতে পারি না। আপনি যদি কিঞ্চিৎ অপেক্ষা করেন, তবে পুনরায় আসিয়া আপনার প্রশ্নের উত্তর দিতে পারি। মন্ত্রিপুত্র তাহাতেই সম্মত হইলেন; এবং মনে মনে চিন্তা করিতে লাগিলেন, ইহারা রাজকন্যার পরিচারিকা, ইহাদিগের নিকট রাজপুত্রীর অনেক সংবাদ পাইতে পারিব।

পরিচারিকাগণ পুনরায় জল লইতে আসিলে মন্ত্রিপুত্র ব্যস্ত হইয়া জিজ্ঞাসা করিলেন, তোমরা যে রাজকন্যার প্রতিজ্ঞার কথা বলিতেছিলে তাহার বিস্তারিত শুনিতে ইচ্ছা করি। পূৰ্বপরিচিতা পরিচারিকা বলিল, মহাশয়! আমরাদিগের রাজকুমারী প্রতিজ্ঞা করিয়াছেন, যিনি সাতদিন তাঁহার অভিলাষ পূর্ণ করিবেন, তিনিই তাঁহার পতি হইবেন। তাঁহার ক্লেশগুণের কথা শ্রবণ করিয়া পৃথিবীর চতুর্দিক হইতে কতশত রাজপুত্র আসিয়াছিলেন, কেহ এক কেহ দুই বা তিন দিবস পর্যন্ত তাঁহার প্রতিজ্ঞাপূর্ণ করিয়া পরিশেষে অসমর্থ হওয়াতে কারাগারে নিক্ষিপ্ত হইয়াছেন। সম্ভ্রতি যে একটি রাজপুত্র আসিয়াছিলেন, তিনি আপনার সমবয়স্ক এবং পরম ক্লেশবান। সেই রাজপুত্র অসাধারণ গুণে ছয় দিবস রাজকন্যার প্রতিজ্ঞা পূর্ণ করিয়া গতকলা কারাগারে নিক্ষিপ্ত হইয়াছেন। তাঁহার নিমিত্ত এ রাজ্যের সকলেই কাতর হইয়াছেন। সেই রাজপুত্রের নাম স্কুমার। এইরূপ পরিচয় দিয়া কিছুকাল স্তম্ভকে সন্মোদন পূর্বক কহিল, মহাশয়! দেখিতেছি, আপনিও বিদেগী পথিক, আমরা আপনার রাজকন্যার প্রতিজ্ঞা শ্রবণে আগ্রহাতিশয় দেখিয়া নিষেধ করিতেছি, কখনো জলও স্নানে প্রবেশ করিবেন না। বোধহয় কাৰ্য্যান্তরে বিদেশে পরিভ্রমণ ক্রমে স্বীকার করিয়াছেন, কাৰ্য্য সমাপন করিয়া অবিলম্বে স্বাভাস্তরে প্রস্থান করুন। মন্ত্রিপুত্র কহিলেন, তোমাদিগের সতপদে নিতান্ত স্থখী হইলাম।

কিঙ্করীরা জলানয়নার্থ সরোবরে গমন করিল। মন্দিপুত্র মনে মনে চিন্তা করিতে লাগিলেন! বন্ধু তবে এই রমণীর মোহিনীপাশে আবদ্ধ হইয়া কারাধারে নিষ্কিন্তু হইয়াছেন, ইহাতে কোন সংশয় নাই। আরও অনেক রাজপুত্র সেই কূটযন্ত্রে বদ্ধ হইয়া কষ্টভোগ করিতেছেন। অতএব ইহাদিগের উদ্ধার সাধন করা আমার নিতান্ত কর্তব্য। তন্নিমিত্ত যদি প্রাণ পর্য্যন্ত যায়, তাহাও আমার পক্ষে জ্ঞেয়ঃ। পণ্ডিতেরা বলিয়া থাকেন, পরোপকারে মৃতব্যক্তির জীবন সার্থক। এইরূপ চিন্তা করিয়া বুদ্ধিবলে কোন উপায় স্থির করিলেন। এই সময়ে পরিচারিকাগণ বারি-পূর্ণ ঘটকক্ষে তাহার নিকটবর্তিনী হইয়া জিজ্ঞাসা করিল, পথিক! কি চিন্তা করিতেছ? স্তম্ভত বলিলেন, অনেকক্ষণ ভ্রমণ করাতে অত্যন্ত তৃষ্ণার্ত হইয়াছি। যদি অল্পগ্রহ করিয়া কিঞ্চিৎ জল দাও, তবে নিতান্ত উপকৃত হই। পরিচারিকাগণ বলিল, পাত্র বাহির করুন, জল প্রদান করিতেছি। পথিক বলিলেন, আমার নিকট পাত্র নাই, পরিচারিকাগণ বলিল, তবে কিঞ্চিৎ বিলম্ব করুন, পাত্র আনিয়া জল প্রদান করিব। পথিক বলিলেন, বিলম্ব সহ্য না। পরিচারিকারা বলিল, তবে উপায়? পথিক বলিলেন, আমি অঞ্জলি পাতিতেছি, অল্পগ্রহ করিয়া কুণ্ড হইতে প্রদান কব। তাহারা স্বীকৃত হইল। মন্দিপুত্র জলপান করিতে লাগিলেন। ইত্যবকাশে যে বারিম্পর্শে মল্লয়াশরীর কপি হয়, সেই বারি কোশলক্রমে কলসীর জলে মিশ্রিত করিয়া দিলেন। পরিচারিকাগণ তাহার কিছুই জানিতে পারিল না; স্বতরাং প্রফুল্লচিত্তে রাজবাটীতে গমন করিল এবং রাজপুত্রীর স্নানার্থ সেই জল রাখিয়া দিল।

পাঠকগণ! বোধ করি রাজকন্যার দুববস্থার বিষয় কিছু আলোচনা করিতেছেন। আমরাও তাহাই বলিতে প্রবৃত্ত হইলাম। সেই বারি দ্বারা স্নানাগারস্থ কৃত্রিম হ্রদ পরিপূর্ণ করিয়া পরিচারিকাগণ স্নানার্থ নৃপনন্দিনীকে আহ্বান করিল। তিনি অবিলম্বে তথায় গমন করিলেন। সেই জলে অবতরণ করিবামাত্র তিনি কপিকায়ী প্রাপ্ত হইয়া অদ্ভুত একটি বানরী হইলেন। রাজকুমারী আপনাব অঙ্গ আপনি নিরীক্ষণ করিয়া বিস্মিত নয়নে ইতস্ততঃ দৃষ্টি নিক্ষেপ করিতে লাগিলেন। সহচরীগণ এই অদ্ভুত ঘটনা দেখিয়া যেমন তাহাকে ধরিতে সেই জলে অবতরণ করিল, অমনি তাহারাও তৎক্ষণাৎ বানরী হইয়া রাজকন্যার সঙ্গিনী হইল। চতুরা নারী দাসী স্বচক্ষে এই ভয়ানক অদ্ভুত ব্যাপার দেখিয়া প্রথমে চমৎকৃত হইয়াছিল, পরে বিলক্ষণ বুঝিতে পারিল যে কৃত্রিম হ্রদস্থ জলের

গুণেই এই ব্যাপার সংঘটিত হইয়াছে। অতএব সে জল স্পর্শ না করিয়া দ্রুত-পদে রাজমহিষীকে সংবাদ দিতে চলিল, এবং অশ্রুত্যাগ করিতে করিতে কাতর বচনে বলিল, ঠাকুরানি! সর্বনাশ উপস্থিত। রাজনন্দিনী স্নানার্থ কৃত্রিম হৃদস্থ বারিস্পর্শ করিবা মাত্র বানরী-রূপ ধারণ করিয়াছেন। রানী এই বাক্য শ্রবণ করিয়া প্রথমতঃ তাহাকে ক্ষিপ্ত মনে করিয়াছিলেন। পরে যখন হৃদের নিকটবর্তিনী হইয়া হুহিতার ছুরবস্থা স্বচক্ষে নিরীক্ষণ করিলেন, তখন শোকে হতজ্ঞান প্রায় হইলেন, এবং শিবে কবাঘাত করিতে কবিতে কণ্ঠ্যাকে ধরিবার নিমিত্ত যেমন হৃদমধ্যে অবতরণ করিলেন, আপনিও একটি বৃদ্ধা বানবী হইয়া চতুর্দিকে নিরীক্ষণ করিতে লাগিলেন! চতুর্দিক বানবীময় হইয়া উঠিল!

রাজা সভামণ্ডপে বসিগা অমাত্যবর্গ সমভিব্যাহারে বিচার কবিতেছেন, এমন সময় চতুরা দাসী রোদন-বদনে রাজ সভায় উপস্থিত হইয়া করপুটে নিবেদন করিল, ধর্ম্মবতাব! ওদিকে সর্বনাশ উপস্থিত। রাজমহিষী, রাজকণ্ঠা, এবং তাঁহার সখীগণ সকলেই বানবী হইয়াছেন। পুর্বোমধ্যে জনমানব নাই, কেবল বানরীদলে পরিপূর্ণ। মহারাজ! শীঘ্র চলুন, স্বচক্ষে দর্শন করিয়া উদ্ধারের উপায় করিবেন। রাজা এই পর্বমাস্তব্য অদ্ভুতোক্তি শ্রবণমাত্র নিস্তব্ধ হইলেন। ক্ষণকাল পরে দাসীকে সম্বোধন করিয়া বলিলেন, চতুরে! তুমি কি বলিতেছ? তোমার একরূপ ভাব কেন হইল? বুদ্ধি স্থির কর। চতুরা পুনরায় করপুটে বলিল, মহারাজ! আমার বুদ্ধির কিছুমাত্র বৈলক্ষণ্য হয় নাই। মহারাজের নয়নগোচর হইলেই সত্যাসত্য প্রকাশ হইবে।

রাজা আর ধৈর্য ধারণ করিতে অসমর্থ হইয়া মস্তকে কবাঘাত করিতে করিতে কণ্ঠাস্তঃপুরমধ্যে গমন করিলেন। পুরী যেন জনশূন্য বিজনবনসদৃশ বোধ হইতে লাগিল। যে রাজপুরী সর্বদা আনন্দ ধ্বনিতে পূর্ণিত হইত, এইক্ষণে সেই পুরীতে অনিবার বানরধ্বনির প্রতিধ্বনি হইতেছে! ভূপতি ক্রমে ক্রমে দাসী সমভিব্যাহারে রাজকণ্ঠার অবগাহনস্থানে উপস্থিত হইয়া সমস্ত অবলোকনান্তর এককালে জ্ঞানশূন্য হইলেন। যেন তিনি কি অবনৌমণ্ডল, কি শূন্য মার্গে, কি জাগরিত, কি নিদ্রিত, কিছুমাত্র স্থির করিতে পারিলেন না। মহিষীবানরী মহারাজকে দর্শন করিয়া নেত্রনীরে ভাসিতে লাগিলেন। রাজা কোন উপায় স্থির করিতে না পারিয়া কেবল পুনঃ পুনঃ সেই বিপত্ত্যারণ জগৎকারণ জগদীশ্বরকে স্মরণ করিতে

লাগিলেন। হে ভগবন্! তোমার অসাধ্য কিছুই নাই, আমার কি গুরুপাপে সমস্ত পুরবাসিনী বানরী হইল। আমি কিরূপে সজ্জন-সমাজে মুখ দেখাইব? এইক্ষণে আমার মৃত্যুই শ্রেয়স্কর। হে কাল! কেন তুমি তোমার করালগ্রাসে আমাকে কবলিত করিতেছ না? আমার প্রতি তোমার কি এমনই ঘৃণা জন্মিয়াছে যে, পরিবাবগণের এই দুর্দশা দর্শনেও জীবিত বাঁহিয়াছি। রাজা এবস্ত্রকাবে আক্ষেপ করিয়া সভাস্থ জনগণ-সমীপে উপস্থিত হইলেন। সভাগণ মহারাজের মুখশ্রী বিবর্ণ দেখিয়া চতুর্দিকে অন্ধকারময় দেখিতে লাগিলেন। বিজ্ঞমন্ত্রী করষোড়ে বলিলেন, ধর্ম্মাবতার! দাসী যাহা বলিয়া গেল, বোধকরি, তাহা অসত্য নহে। নৃপতি দীর্ঘনিঃশ্বাস পরিত্যাগ করিয়া অশ্রুলোচনে গদগদ স্ববে কহিলেন, মন্ত্রিবর! জগদীশ্বর নিতান্ত বিমুখ হইয়াছেন। দাসীর বাক্য সকলই সত্য,—যাহা আমি কখন স্বপ্নেও জানি না এবং কাহারও মুখে শুনি নাই, অতঃ তাহাই প্রত্যক্ষ করিলাম। কত্তান্তঃপুরীস্থ সমস্ত রমণীই বানরী হইয়াছে। বোধকরি, এবস্ত্রত আশ্চর্য ঘটনা ব্রহ্মাণ্ডমধ্যে কেহ কখনও নয়ন-গোচর কবা দূবে থাকুক, শ্রবণও করে নাই। এক্ষণে কি কর্তব্য, স্থির করিয়া এ অসীম বিপদমাগর হইতে আমাবে উদ্ধার করুন।

মন্ত্রী মহারাজের বাক্য শ্রবণ করিয়া এককালে বিস্ময়াপন্ন হইলেন, ভূপতিও নিজাসনে ম্লানবদনে উপবিষ্ট হইয়া কি কর্তব্য ভাবিতে লাগিলেন।

এদিকে স্তম্ভস্ত স্বকায সাধন করিয়া মনে মনে স্থির করিলেন যে, আমি অতি প্রাচীন গণক ব্রাহ্মণের রূপ ধারণ করি। পরমেশ্বরের রূপায় এবং তপস্বিবরের বরপ্রভাবে স্তম্ভস্ত তৎক্ষণাৎ অতিপ্রাচীন ব্রাহ্মণের রূপ ধারণ করিলেন। ক্রমে ক্রমে রাজসভায় উপস্থিত হইয়া মহারাজের জয় হইক, বলিয়া দণ্ডায়মান হইলেন। কহিলেন, মহারাজ! আপনার বড় অমঙ্গল উপস্থিত দেখিতেছি। রাজা ব্রাহ্মণের মুখে অমঙ্গল বাক্য শ্রবণে গলবন্ত হইয়া বলিলেন, ঠাকুর! কি অমঙ্গল দেখিতেছেন অল্পগ্রহ করিয়া বলুন। স্তম্ভস্ত ঈষৎ হাস্য করিয়া বলিলেন, মহারাজ! আপনার অমঙ্গলের কথা আর কি বলিব, জ্যোতিষে গণিয়া দেখিলাম, অন্তঃপুরের সমস্ত কামিনী বানরী হইয়াছে। আপনার পাপের সীমা নাই। জগদীশ্বর! তুমি সত্য, তুমি সত্য! উঃ! কি ভয়ানক ব্যাপার। আহা, কেবল অধর্ম্ম-চরণেই না একরূপ বিরূপ দশা ঘটিল। সভাস্থ সমস্ত সভ্য ব্রাহ্মণের এই আশ্চর্য

ভাবী গণনা শ্রবণে যে কি পর্যাপ্ত আশ্চর্যান্বিত হইলেন, তাহা প্রিয় পাঠকগণ অনায়াসেই বুঝিতে পারিতেছেন।

রাজা রুতাজলিপুটে কাতর বচনে ব্রাহ্মণকে কহিলেন, ঠাকুর! আমার এ পাপ কিসে মোচন হইবে? ব্রাহ্মণ উত্তর করিলেন, মহারাজ! এ ত যৎসামান্য পাপ নহে যে, ব্রাহ্মণতোজন এবং দান-ধান করিলেই বিমোচন হইবে; এ গুরুতর পাপ, সহজে মোচন হইবার নয়। রাজা পুনরায় বলিলেন, ঠাকুর! এমন গুরুপাপ কিসে সংঘটিত হইল? গণক ব্রাহ্মণ কিয়ংকাল চিন্তা করিয়া বলিলেন, মহাশয়! আপনার দোষে এ পাপ জন্মে নাই, আপনার দুহিতাই ইহার মূলকারণ। আপনিই বিবেচনা করুন, রাজকন্টার পানিগ্রহণাংশে কতশত রাজপুত্র এবং সম্রাট ভদ্রসম্ভান আগমন করিয়াছিলেন। কন্টাব মোহিনী মায়াপাশে আবদ্ধ হইয়া উঁহার! সকলেই সমস্ত ধনে জলাঞ্জলি দিয়া চিরকাবাগাবে অশেষ যন্ত্রণা ভোগ করিতেছেন। আহা! এ কি সামান্য দুঃখের বিষয় যে, বিবাহ-আশে প্রথমে ধনসম্পত্তি বিনাশ, শেষে জীবনাশে নিরাশ। হে করুণাময় জগদীশ্বর! তোমার যথার্থ বিচার। মহারাজ! বিবেচনা করুন, এ কি সামান্য পাপ।

মহারাজ! আপনিই বিবেচনা করুন, কারাস্থ যুবকগণের অন্তরে কিরূপ ভাবের উদয় হইতেছে এবং তাহাদের পিতামাতার অন্তঃকরণেই বা কিরূপ ভাবের আবির্ভাব হইতেছে। রাজা ও অমাত্যবর্গ হুমন্তের এই সমুচিত বাক্যের উত্তর প্রদানে সমর্থ হইলেন না, সকলেই মস্তক অবনত করিয়া রহিলেন। ক্ষণকাল পরে সম্রাট সভাগণ হুমন্তের নিকট গলবস্ত্র হইয়া করযোড়ে বলিতে লাগিলেন, প্রভো! এখন উপায় কি দেখিতেছ, আপনি ভিন্ন এখন আর কেহই এ বিপদ হইতে রক্ষাকর্তা নাই। হুচতুর হুমন্ত ক্ষণকাল চিন্তা করিয়া বলিলেন, এ পাপ সহজে বিমোচন হইবার নহে, আমার সাধ্য নাই যে মহারাজকে এই যৌরতর বিপদ হইতে উদ্ধার করি। তবে কল্যা মহারাজের বহির্দ্বারস্থ সরোবরতটে এক সন্ন্যাসী আগমন করিবেন, তিনি যতপি সদয় হন, তাহা হইলেই উদ্ধারের উপায় হয়।

হুমন্তের মুখে এতদ্বিবরণ শ্রবণে রাজা রুতাজলিপুটে বলিলেন, দ্বিজবর! সন্ন্যাসীর আগমন পর্যন্ত আপনি এস্থানে অবস্থান করিলে উপরূত হই। হুমন্ত বলিলেন, মহারাজ! আমি দরিদ্র বান্ধক ব্রাহ্মণ, একস্থানে দুদিন থাকিলে চলে না। ভগবানের রূপায় আপনি বিপদ হইতে উদ্ধার হইবেন। পুনরায় সাক্ষাৎ হইবে।

রাজা পুনরায় বলিলেন, ঠাকুর ! আমাকে হতাশ করিবেন না। স্তম্ভ মহারাজকে অশেষপ্রকার প্রবোধবাক্যে বুঝাইয়া গমনে উদ্যত হইলেন। রাজা তখন কোষাধ্যক্ষকে আহ্বানপূর্বক আজ্ঞা করিলেন, ইহাকে একশত স্বর্ণমুদ্রা প্রদান কর।

স্তম্ভ কহিলেন, মহারাজ ! স্বর্ণমুদ্রা দূরে থাকুক, এক তাম্রমুদ্রাও গ্রহণ করিব না। যখন এ দারুণ বিপদ হইতে মুক্তলাভ করিবেন, সে সময়ে অল্পগ্রহণ করিয়া যাহা প্রদান করেন, শিরোধার্য করিয়া লইব। স্তম্ভের এরূপ সৌজ্ঞাত্য দর্শন করিয়া সভাস্থ সভাগণ একবাক্যে তাঁহার অগণ্য প্রশংসা করিতে লাগিলেন।

মন্ত্রী করযোড়ে বলিলেন, মহারাজ ! জগদীশ্বর মানবজাতিকে ঘোরতর বিপদে নিক্ষেপ করেন, আবার তিনিই তাহার মুক্তিপথ প্রকাশ করিয়া দেন। বিবেচনা করুন, এই ব্রাহ্মণ হঠাৎ কোথা হইতে আসিয়া অব্যক্ত সমুদায় বিষয় প্রকাশ করিলেন। অতএব তিনি যে সন্ন্যাসীর আগমনের কথা কহিয়াছেন, তাহা অবশুই সত্য হইবে। মহারাজ ! ধৈর্য্যাবলম্বন করিয়া অন্তরের চিন্তা অন্তর করুন।

এদিকে সূর্য্য অস্ত হইল। নিশানাথ সহচরগণে বেষ্টিত হইয়া জনগণের মনোবঞ্জন করিতে করিতে পূর্বদিক হইতে উদিত হইলেন। ভূপতি সমস্ত রাত্রি চঞ্চলভাবে জাগিয়া কাটাইলেন। নিদ্রা মহারাজের দুঃখে দুঃখিত হইয়া ক্ষণকালের জগুও তাঁহার নেত্রাসনে উপবেশন করিলেন না। দুঃখের রজনী এত দীর্ঘ যে, কোনমতেই অবসান হইতে চাহে না, মহারাজ ক্ষণে ক্ষণে নিদ্রিষ্ট নক্ষত্র দর্শন করিয়া নিশার শেষ বিবেচনা করেন। কিন্তু মন কোনরূপেই স্থির থাকে না। একবার বোধ করেন যেন, তমোনাশিনী উষা পূর্বদিক হইতে আগমন করিল, আবার কিয়ৎক্ষণ পরে তাহার কিছুই দৃষ্ট হয় না। একবার বিবেচনা হয় যেন, বিহঙ্গমগণ স্ব স্ব কুলায়ে বসিয়া স্তম্ভরস্বরে জগদীশ্বরের গুণগান করিয়া উঠিল। আবার ক্ষণকালের পরে সেভাবে কিছু থাকে না। রাজা এইরূপে চঞ্চল হইতেছেন, এমন সময়ে বিহঙ্গনিচয় দিনপতির আগমনবার্তা উন্মেষ্টস্বরে ঘোষণা করিতে লাগিল। ভূপতি বিহঙ্গমুখে এতদ্বার্তা শ্রবণে মহাহর্ষচিত্তে সঙ্গিগণকে বলিলেন, আর বিলম্বে কাজ নাই; রজনী শেষ হইল। ইহাদের মুক্তির চেষ্টা পাওয়া কর্তব্য। এদিকে নিশাপতি আগমনকাল নিকটবর্তী জানিয়া চাকরবর্গ লুকায়িত করিতে লাগিলেন। আগমনকাল নিকটবর্তী বটে, কিন্তু এ আগমন কাহার ? দিনপতির ?

রজনী প্রভাত হইল। প্রভাতে কমলবন প্রফুল্ল হইতে লাগিল। কুমুদিনী কাস্ত-বিরহে মলিনী হইয়া সলিলে ডুবিল।

ওদিকে স্বমস্ত সরোবরতীরে মনে মনে চিন্তা করিলেন, এই শুভ অবসর উপস্থিত, এই সময় সন্ন্যাসীর বেশ ধারণ করিয়া প্রিয়বন্ধুর উদ্ধারের উপায় করা কর্তব্য। ইহা স্থির করিয়া একমনে ঈশ্বরের উপাসনা করিতে লাগিলেন। তপস্বিদণ্ড বরপ্রভাবে জগদীশ্বরপ্রসাদে তৎক্ষণাৎ তাঁহার তেজঃপুঞ্জ সন্ন্যাসীর রূপ আবির্ভূত হইল। জটা, বকুল, শ্মশ্রু, জপমালা, কমণ্ডলু প্রভৃতি যোগিযোগ্য আভরণ সমস্ত, যেন শূন্য হইতে উপহাব দিলেন। যোগিরূপী স্বমস্ত নবীনবেশে সরোবর-সোপানে যোগাসনে উপবেশন করিয়া মুদিতনয়নে ধ্যান করিতে লাগিলেন।

এদিকে রাজসভাপণ্ডিতগণ বাজনিয়োগান্তসাবে অতিসম্মরে সরোবর-তীরে উপনীত হইলেন। গমনমাত্রেই ধ্যানোপবিষ্ট যোগিবরের সহিত সাক্ষাৎ হইল। তাঁহারা সবিস্ময়লোচনে সন্ন্যাসীরে নিবীক্ষণ করিয়া করযোড়ে তাঁহার সম্মুখে দণ্ডায়মান হইলেন। মায়াবী সন্ন্যাসী মায়াধানভঙ্গে নয়ন উন্মীলন করিয়া স্বাগত প্রদ্বার্য্য তাঁহাদিগকে জিজ্ঞাসা করিলেন, কে তোমরা? কি নিমিত্ত, কি অভিলাষে কুতাজলিপুটে আমার নিকট দণ্ডায়মান আছ?

পণ্ডিতেরা একবাক্য হইয়া কহিলেন, প্রভো! আমাদের অন্তরের বাক্য কি আপনার অন্তরে অবিস্তৃত আছে? এই নগরস্থ মহারাজ অসীম বিপদমাগরে নিপতিত হইয়াছেন, আপনি অম্লগ্রহ প্রকাশ করিয়া একবার বাজবাটতে পদার্পণ করিলেই রাজপুত্রী পবিত্র হয় এবং মহারাজ ও বিপদমুক্ত হন। সন্ন্যাসিরূপী স্বমস্ত উত্তর করিলেন, আমি একরূপ ক্ষমতাবান নহি যে, তোমাদের রাজাকে ঐ ভয়ঙ্কর বিপদমাগর হইতে উদ্ধার করিতে পারি।

এদিকে ভূপতি সন্ন্যাসীর আগমনবার্তা শ্রবণমাত্র স্বয়ং সরোবরতীরে গমন করিয়া সন্ন্যাসীর নিকটে করযোড়ে কাতরস্বরে বলিলেন, ভগবন্! আমার অপরাধ মার্জনা করুন। আমি যৎপরোনাস্তি বিপদগ্রস্ত হইয়া আপনার চরণে শ্রবণ লইয়াছি। সন্ন্যাসী মহারাজের কাতরতা ও দীনতা দর্শনে কিঞ্চিৎ কৃক্ষস্বরে কহিলেন, রাজন্! তোমার ছুহিতাই ইহার মূলকারণ। সেই পাপীয়সীর পাপেই একরূপ ঘটনা হইয়াছে। সেই দুষ্টার ছলনায় কতশত রাজপুত্র কারাগারে বন্দী হইয়াছেন। রাজা পুনরায় কাতরতা প্রকাশ করিতে সন্ন্যাসী তৎসমভিব্যাহারে রাজভবনে গমন করিলেন। রাজা নিজেই স্বর্ণময় সিংহাসন আনয়নপূর্ব্বক সন্ন্যাসীকে উপবেশন

কবিত্তে দিলেন। সভাস্থ সভাগণ সন্ন্যাসীকে অর্দ্ধচন্দ্রবৎ বেষ্টন করিয়া দাঁড়াইলেন। ক্ষণকাল পবে সন্ন্যাসী রাজাকে বলিলেন, মহারাজ ! কত দেশেব কত যুবরাজ তোমার কন্টার পাণিগ্রহণ-আশায় আগমন করিয়া তাহার মোহিনী মায়াপাশে বদ্ধ হইয়া কারাগারে কষ্টভোগ করিতেছেন, তাঁহাদের কত অর্থ অপহরণ করিয়াছ, এ কি সামান্য পাপ ! প্রথমতঃ ঐ সকল অবরুদ্ধ রাজপুত্রকে মুক্ত করিয়া তাঁহাদের অর্থের দ্বিগুণ দান কর, তাহার পর অল্প উপায় হইবে। নতুবা যাবজ্জীবন এই ঘোরতর বিপদায়িত্তে দক্ষীভূত হইতে হইবে। রাজা সন্ন্যাসীর বাক্য শিরোধার্য্য করিয়া তৎক্ষণাৎ তাহাই করিতে স্বীকৃত হইলেন। সন্ন্যাসীব সম্মুখেই রাজা কারাগারস্থ যুবরাজগণের নামধাম পরিচয় দিয়া তাঁহাদের স্ব স্ব অর্থের দ্বিগুণ প্রদান করিয়া বিদায় করিতে লাগিলেন। অবশেষে সেই রাজপুত্র স্ককমাব উপস্থিত হইলে রাজা কহিলেন, প্রভো ! ইনিই কেবল ছয় দিবস কন্টার মনোবাক্ষা পূর্ণ করিয়া একদিবস অক্ষম হওয়াতে কারাগারে নীত হইয়াছিলেন। স্তমস্ত প্রিয়তম বন্ধুর দুর্বস্থা দর্শনে অত্যন্ত কাতর হইলেন। নরপতিকে কহিলেন, মহাবাজ ! তবে এই রাজপুত্রকে বিদায় করিবেন না। ইহার দ্বারা কোন বিশেষ কার্য্য সম্পাদন কবিত্তে হইবে। সন্ন্যাসীর বাক্য অলঙ্ঘনীয়, স্ততরাং মহারাজ তাঁহাকে বিদায় করিলেন না। তখন স্ককুমার মনে মনে ভাবিত্তে লাগিলেন যে, হায় ! আমি বন্ধুবাক্যবিরোধী হইয়া এত কষ্ট সহ করিলাম, তথাপি সে আশা ফলবতী হইল না। বে অদৃষ্ট ! অত্যাগ রাজপুত্রগণ তাঁহাদের অর্থের দ্বিগুণ লইয়া স্বদেশে গমন কবিলেন, আমি এমনি হতভাগ্য যে কারাগার হইতেও মুক্তি পাইলাম না।

মহারাজ সন্ন্যাসী-সমীপে উপস্থিত হইয়া কহিলেন, গুরুদেব ! আপনার আদেশানুসারে রাজপুত্রগণকে বিদায় করা হইয়াছে। কেবল যুবরাজ স্ককুমার এই উপস্থিত আছেন। সন্ন্যাসী বলিলেন, প্রথমতঃ রাজাস্তঃপুরের গ্রহশান্তি হউক, তাহার পর স্ককুমারের প্রতি যাহা কর্তব্য তাহা করা বাইবেক। রাজা সন্ন্যাসী-সমভিব্যাহারে স্তমস্তপুরে গমন করিলেন। স্তমস্ত প্রথমতঃ পূতবারি-প্রভাবে মহিবীকে মানবী করিলেন। রাজা এবং অমাত্যবর্গ সন্ন্যাসীর এই আশ্চর্য্য ক্ষমতা দর্শনে এককালে বিশ্বয়াপন্ন হইয়া রহিলেন। সন্ন্যাসী ক্রমে ক্রমে স্তমস্ত বানরীকে মানবী করিলেন, কিন্তু রাজকন্টা রত্নবতী বানরীই রহিলেন। রাজা গলবদ্ধ হইয়া বলিলেন, প্রভো ! সকলেই বন্ধা পাইল, কিন্তু কি দোষে কন্টাটি

বানরী হইয়া রহিল ? সম্রাসী অবিলম্বে উত্তর করিলেন, রাজন ! তোমার কণ্ঠার গুরুতর পাপ ; তাহাকে মুক্ত করা আমার সাধ্য নয় । রাজা তখন সজলনয়নে বলিলেন, যদি কুমারীটি বানরী রহিল, তবে আমার জীবনে কি ফল ? রাজ্যোই বা প্রয়োজন কি ? এবং এসকল পরিবারই বা থাকিয়া কি করিবে ? আমার আর তিলাঙ্ক বাঁচিবার সাধ নাই । এই প্রকার নির্বেদ প্রকাশ করিয়া রাজা পুনরুদার সম্রাসীর পদানত হইয়া নেত্রনীরে তাঁহার পদরজঃ ধৌত করিতে লাগিলেন । কহিলেন, গুরুদেব ! আপনি আমারে এই দুস্তর বিপদপারাবার হইতে নিস্তার না করিলে আর কে রক্ষা করিবে ? আমি আপনারে এই সমস্ত রাজ্য ও ঐশ্বর্য্য দান করিতেছি, রত্নবতী রত্নটিও আপনারে দান করিব । কেবল তাহার পূৰ্ণ রূপটি দর্শন করা আমাব ইচ্ছা ।

সম্রাসী কহিলেন, মহারাজ ! তোমার যদি সেই ইচ্ছাই হয়, তবে ষথার্থই আমাবে অর্দ্ধরাজ্য যৌতুক দিয়া রত্নবতী দান করিতে হইবে । রাজা যে আজ্ঞা বলিয়া তৎক্ষণাৎ অঙ্গীকারপত্র লিখিয়া দিলেন । সম্রাসী কয়েকটি কৃত্রিম মল্ল পাঠ করিয়া পাত্তস্ত বাবি প্রক্ষেপপূর্ব্বক বানরী বাজুকুমারীকে মানবী করিলেন । রাজা ও রাজপুত্রী সকলে তাঁহার এই অলৌকিক ক্ষমতা দর্শন করিয়া যুগপৎ আনন্দ ও বিস্ময়ে নিমগ্ন হইলেন । বাজপুত্রী আনন্দময় হইল । রাজা বাজপ্রসারণপূর্ব্বক তনয়াকে কোড়ে লইয়া আনন্দাশ্রুধারে তাঁহার সর্কশরীর সিক্ত করিতে লাগিলেন । রত্নবতী পূর্ব্ববৃত্তান্ত কিছুই জানেন না, অথচ অন্তঃপুর লোকাকীর্ণ দেখিয়া নানা প্রকার চিন্তা করিতে করিতে পিতৃকোড়ে মস্তক নত করিলেন । রাজা অঙ্গুলিদ্বারা কণ্ঠার চিবুক উত্তোলন করিয়া কহিলেন, বৎসে ! পুনরুদার তোমারে কোড়ে লইব এ আশা ছিল না । পরমেশ্বরের রূপায়, আর এই ধোণীবরের প্রসাদে অস্ত্র হারানিধি প্রাপ্ত হইলাম, এই কথা বলিয়া সম্রাসীর দিকে অঙ্গুলিনির্দেশ করিলেন । রত্নবতী এই কথা শুনিয়া সেই ভুবনমোহন কটাক্ষ সম্রাসীর দিকে একবার ফিরাইলেন । ছদ্ম ধোণিকল্পী স্তম্ভত রাজকণ্ঠার রূপমাধুরী দর্শন করিয়া নিস্তব্ধ হইয়া রহিলেন । ভাবিলেন, পরমেশ্বর এই স্ববর্ণলতাটি কোন ভাগ্যবান তরুর আভরণ করিবার অভিপ্রায়ে স্বজন করিয়াছেন ? প্রিয়বন্ধু স্বকুমারের অদৃষ্ট কি সুপ্রসন্ন, এই মৌলদ্ব্য-সর্বোত্তমের পদ্মফুলটি আজ তাঁহার হৃদয়-সর্বোত্তমের শোভা সম্পাদন করিবে ।

এইরূপ চিন্তা করিয়া সম্রাসী রাজাকে কহিলেন, মহারাজ ! আমি বিষয়-তাগী ধোণী, গৃহী হইতে আমার অভিলାষ নাই । ভূমি অঙ্গীকার করিয়াছ, অর্দ্ধেক

রাজ্যসহ এই কঠোরত্ব আখ্যারে দান করিবে, কিন্তু আমি তাহা! লইয়া কি করিব ? আমি কহিতেছি যে, স্বকুমার রাজকুমার আপনার হৃদিতার জন্ত স্তবীৰ্যকাল কাটা-বাস করিলেন, তাঁহারেই দান কর। রাজা তচ্ছ বণে উল্লসিত হইয়া শুভদিনে শুভলগ্নে স্বকুমারকে রত্নবতী দান করিলেন। নগর উৎসবময়, রাজবাটী মঙ্গলময়, এবং রাজপথ আনন্দধ্বনিতে প্রতিধ্বনিত হইতে লাগিল।

এদিকে বাসরগৃহে মহিলাগণ বরের আগমন প্রতীক্ষা করিতে লাগিল। কেহ গবাক্ষদ্বারে বদনার্ণব করিয়া, কেহ দ্বারদেশে দণ্ডায়মান হইয়া, কেহ বা অগ্রগামিনী হইয়া শ্রেণীবদ্ধ বাসন্তীতরুর ন্যায় শোভা ধারণ করিল। এদিকে সন্ন্যাসী অমাত্যকে কহিলেন, মন্ত্রী ! মহারাজকে বল, আমি অণু রাজপুত্রের সহিত বাসরগৃহে যামিনী যাপন করিব। মন্ত্রী এই কথা রাজাকে বলিবামাত্র রাজা তৎক্ষণাৎ সম্মত হইলেন। মন্ত্রী স্বকুমারের সহিত সন্ন্যাসীকে বাসরে লইয়া গেলেন। রাজকুমার সন্ন্যাসীকে নিকটে দেখিয়া লজ্জায় মস্তক অবনত করিলেন। পূর্বাধি যে যে ঘটনা হইয়াছিল, সেইসকল বিপদের কথা তখন স্মৃতিপথাক্রমে হওয়াতে বন্ধুবিচ্ছেদে মন আবুল হইল। এই অবসরে সন্ন্যাসী নিজরূপ ধারণ করিয়া ঈষৎ হাস্যবদনে স্বকুমারকে কহিলেন, বয়স্ত ! চিনিতে পাব ? এখন বল দেখি, ধন বড় কি বিজা বড় ? যুবরাজের শরীর লোমাক্ষিত হইল। বিষ্ময়াব্বিত হইয়া দেখিলেন, সেই আশৈশব-পরিচি-বন্ধু স্তম্ভ সম্মুখে উপস্থিত। তৎক্ষণাৎ তিনি হর্ষবিধাদে পরিপূর্ণ হইয়া সাত্ত্বনয়নে বন্ধুকে আলিঙ্গনপূর্বক উচ্চৈঃস্বরে ক্রন্দন করিয়া উঠিলেন। আনন্দে তাহার মন এতনি বিহ্বল হইয়াছিল যে, পুনঃ পুনঃ বন্ধু বন্ধু শব্দ উচ্চারণ করিয়া চিত্রপুস্তলিকার ন্যায় অনিমিষলোচনে বন্ধুর মুখপানে চাহিয়া রহিলেন। দৃষ্টি আর ফিরিল না। উভয়ের চিত্তে জনমিতরঙ্গের ন্যায় প্রশয়হিল্লোল বহিতে লাগিল। মধ্যে মধ্যে লাগের যেমন বাহুপ্রতিঘাতে বেলাকে আঘাত করে, সেইরূপ তাহাদিগের দুঃখজ্বলধি চিন্তাবাহুর প্রতিঘাতে ফলিত হইয়া ক্ষণেকে আঘাত করিতে লাগিল।

কণ্ঠাজামাতা বাসরগৃহে ক্রুর প্রেমালাপ করে, পুরবাসিনীগণ সচরাচর তাহা দেখিতে অভিলাষী হন, তাহাতে আগার বাসরগৃহে সন্ন্যাসী আছে, এই আশ্চর্য ঘটনা দেখিবার জন্ত তাঁহাদের কোতুহল আরও বৃদ্ধি হইয়াছিল। যাহারা গবাক্ষের পার্শ্বে দাঁড়াইয়াছিলেন, তাহারা গৃহমধ্যে হঠাৎ সন্ন্যাসীর রূপপরিবর্তন, জামাতার সহিত আলিঙ্গন, জামাতার ক্রন্দন এবং পরস্পরের স্নেহ-সন্তোষ দর্শন করিয়া

বিশ্বয়াকুল মনে ক্রতপদে রানীকে সংবাদ দিলেন। রানী সেই দ্যাপার দর্শনের অপেক্ষা না রাখিয়াই শয়নগৃহে গিয়া রাজাকে কহিলেন, মহারাজ ! এই অভূত বার্তা শ্রবণ করুন। সম্রাসীকে বাসরগৃহে রাখিয়াছেন বলিয়া কণ্ঠাগণ কেহই তথ্য যান নাই। জামাতা, রত্নবতী, আর সেই সম্রাসী তিনজনেই বাসরে আছেন, ইতিমধ্যে সম্রাসী যুবাক্রপ ধারণ করিয়াছেন। জামাতা তাঁহাকে আলিঙ্গন করিয়া ক্রন্দন করিতেছেন। রাজা এই আশ্চর্য্য ও অবিশ্বাস্য বাক্য শ্রবণে অতি ব্যস্ত হইয়া বাসরগৃহাভিমুখে চলিলেন। ক্ষুদ্র দ্বাব দিয়া দেখিলেন, সম্রাসী নাই, একটি দিব্য পুরুষের সহিত জামাতার কথোপকথন হইতেছে, রত্নবতী পার্শ্বে বসিয়া আছেন। রাজা রত্নবতীকে দ্বার খুলিতে বলিলেন। বাজার স্বব শুনিয়া স্ককুমার আপনিত দ্বার খুলিয়া দিলেন। রাজা গৃহাভ্যন্তরে প্রবেশ করিয়াই, “সম্রাসী কোথায় ? এই সুপুরুষ যুবাপুরুষ কে ?” এই প্রশ্ন করিলেন। স্তমস্ত নতশিরে উত্তর কবিলেন, মহারাজ ! আমিই সেই সম্রাসী। রাজা ইহা শ্রবণ করিয়া চমৎকৃত হইলেন। কহিলেন, এই আশ্চর্য্য ঘটনার আত্মোপাস্ত বৃত্তান্ত শ্রবণ করিতে অত্যন্ত কৌতুহল জন্মিতেছে ! স্তমস্ত প্রথমে তাহাঙ্গিগের বাল্যসখ্য, উভয় বন্ধুত্বে তর্ক, মীমাংসার্থ দেশভ্রমণে বহির্গমন এবং কপিক্রপী তপস্বীর সহিত সাক্ষাৎ ও বরপ্রাপ্তি অবধি পরস্পর বিচ্ছেদ ও রত্নপুরে আগমন, পরিশেষে এই বিবাহ পর্য্যন্ত সমস্ত বৃত্তান্ত বর্ণন করিলেন। রাজা অভিনবশ্রবণকৃত এতদ্বৃত্তান্ত শ্রবণ করিয়া স্তমস্তের বিজ্ঞা-বুদ্ধির ভূয়সী প্রশংসা করিলেন। কহিলেন, বৎস স্তমস্ত ! তুমি বলিয়াছিলে ধনাপেক্ষা বিজ্ঞা শ্রেষ্ঠ, তাহা যথার্থ, তোমরাই তাহার প্রত্যক্ষ প্রমাণ দেখাইলে। এইরূপ নানা কথাপ্রসঙ্গে কিয়ৎক্ষণ তথ্য থাকিয়া রাজা শয়নগৃহে গমন করিলেন। বজ্রনৌ প্রভাত হইলে রাজা সভাসীন হইয়া আপন মন্ত্রিকণ্ঠার সহিত স্তমস্তের পরিণয়-সম্বন্ধ স্থির করিলেন। শুভদিনে শুভক্ষণে বিবাহ হইল। স্ককুমার ও স্তমস্ত কিছুদিন খণ্ডরালয়ে বাস কবিয়া সস্ত্রীক স্বদেশে গমন করিলেন।